

Yamada special na ex-candidatonan di Sociale Vormingsplicht pa inscribi na OAA beroepsonderwijs



Diabierna dia 18 di mei den Nos Mainta na TeleAruba e adj. director di Openbare Avond Leergangen Aruba (OAA) afdeling beroeps onderwijs (scol di ofishi di anochi) a haci un yamada special na diferente grupo di enfoke pa inscribi pa otro aña escolar.

OAA ta desea di ofrece tur e candidatonan di Sociale Vormingsplicht (SVT) cu no a logra drenta e programa of nan a sali sin termina e programa e oportunidad pa siña un ofishi. Tambe a haci yamada na e hubentud cu

no ta bay scol y no tin trabao pa inscribi.

Tin por ehemplo diferente hoben cu ta caba EPB y nan no por engresa na EPI pasobra nan ta falta un cualificacion of nan no tin e nivel di "doorstroom". Si esaki ta e caso anto e hoben aki ta wordo yama en special pa pasa busca informacion pa wak si nan lo ta desea di inscribi pa un opleiding na OAA.

OAA, afdeling beroepsonderwijs ta un scol di ofishi den oranan di anochi. E scol ta ubica na EPB Hato y EBP San Nicolas.

Tin diferente programa nan di estudio (opleiding) por ehemplo basis timmeren, auto monteur etc. E orario di les ta di 6.30 pa 9.30 di anochi di dialuna pa diabierna. Tin algun les cu ta riba diasabra mainta tambe. Esnan cu tin interes por bishita e pagina web di e scol www.oaa.aw pa mas informacion. Tambe por pasa na e oficina principal na EPB Hato.

Director y staff di OAA ta desea tur estudiante cu ta den examen tur clase di exito den e ultimo fase di e aña escolar 2011-2012.